

# Baibuli y'Abato erabanjurira

## Okuzaarwa kwa Yesu



Ekahandiikwa: Edward Hughes  
Omuteezi w'Ebishushwani: M. Maillot

Kikavunuurwa: Manuel John Kamugisha Muranga  
Kikahindurwamu: E. Frischbutter; Sarah S.

Omugane 36 ahari 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Okwikirizibwa: Oraikirizibwa kuhanduukurura, kukora kope nari kuteera  
ekyapa omuri ogu mugane, kwonka toraikirizibwa kuguza.

Rukiga

Kare munonga, Ruhanga  
akoohereza maraika Gaburieli  
aha muhara muto murungi  
w'Omuyudaaya ou eiziina rye  
yaabaire ari Maria,  
yaamugira ati, ...



... "Oraza kuzaara omwana,  
omwete Eiziina Yesu. Aryayetwa  
Omwana w'Owahaiguru Munonga.  
Aryategyeka ebiro byona."




Omuhaba yaashoberwa, yaabuuza ati, "Ekyo kiraza kubaho kita, ku ntakanyaamagaho n'omushaija weena?" Maraiika yaagambira Maria ngu ogwo mwana aryakomooka ahari Ruhanga, tarigira ishe w'omubiri.



3

Kandi maraiika yaagambira Maria ngu muzaara we Elizaabeesi akaba araza kuzara omwana wa bukuru. Ekyo nakyo kikaba kiraza kuba eky'okutangaaza. Ahaanyima y'omwanya mukyeho, Maria yaaza kutaayaayira Elizaabeesi.




4

Maria akaba araganisiibwe kushwerwa omushaija Yosefu. Yosefu akashaasha ku yaamanyire ngu Maria aine enda, yaateekateeka ngu haine omushaija owaabaire amutwekire.



5

Kwonka maraiika wa Ruhanga akagambira Yosefu omu kirooto ngu omwana ogwe akaba ari Omwana wa Ruhanga, kandi ngu Yosefu aine kuhwera Maria omu kureeberera Yesu.



6

Yosefu akeesiga kandi yaayorobera Ruhanga, yaayorobera n'ebiragiro by'eihanga rye. Ahabw'ekiragiro kisyu, 'we na Maria bakaimuka baaza Betelehemu,



orurembo rw'owaabo, kushashurirayo emishoro.

7

Maria akaba ari haihi kuzara. Kwonka Yosefu taraboine h'okuraara, enju zoonu z'oburaaro bw'abagyenyi zikaba zijwire.



8

Yosefu yaarugaho yaabona ekiraaro ky'ente,  
Omwereere Yesu yaaba arimwe yaazaarirwa. Nyina  
akamwarira omu kihongore.



9

Haihi n'eky'yo kiraaro abariisa bakaba bari n'amatungo  
gaabo agaabaire gazaagiire. Maraika wa Ruhanga  
yaababonekyera, yaabagambira



ago  
makuru

g'okutangaaza.

10


"Eri izooba, omu rurembo rwa Daudi,  
haabazaarirwamu Omujuni, Kristo  
Omukama. Muraza kushanga



omwereere  
anyaami omu  
kihongore.

11

Ahonaaho baamaraika abandi baingi  
barengyengyeeta baababonekyera,  
bagumize ngu ...



12

... "Ruhanga aheebwe ekitiinisa Ahaiguru omu  
Igururu, kandi n'omu nsi obusingye bugirwe  
abantu abu ashemerereirwe  
munonga."




13

Abariisa nikwe kwiruka bakaza kureeba  
ogwo Mwereere omu kiraaro ky'ente.  
Ku baamazire kumureeba, baagambira  
buri omwe ou baabugaine eki baamaraika  
baabagambira ahari Yesu.




14



Ku haahingwireho ebiro makumi ana, Yosefu na Maria baatwara Yesu omu hekaalu Yerusaalemu. Omugurusi Simeoni yaahimbisa Ruhanga ahabw'ogwo Mwereere, kandi omukaikuru Anna, nawe owaabaire ari omuzaana wa Mukama, yaasiima.


15



Bombi bakaba baramanya ngu Yesu n'Omwana wa Ruhanga, Omujuni owaabaire araganisiibwe. Yosefu akahonga enyonyi ibiri. Egyo niyo mpongano ei Ekiragiyo kya Ruhanga kyabaire kitaireho ahabw'abooro baaba baramurikira Mukama omwereere ozairwe.

16


Ahaanyima y'obunaku bukyeho, enyonyoozi y'omutaano ekeebembera Abashaija



Abanyabwengye kuruga omu nsi y'Oburugwaizooba, baija Yerusaalemu. Baabuza bati, "Ogwo ozairwe nk'O mukama w'Abayudaaya ari nkahe? Twizire kumuramy."


17

Omukama Herode yaahurira eby'abo Banyabwengye, yaarabaniisibwamu, yaabagira ngu ku baraabone Yesu bamugambire. Ati, "Naanye ndenda ngu mmuramyeye." Kwonka kikaba kiri ekishuba; akaba arenda kumwita.




18

Enyonyoozi ekeebembera abo Banyabwengye, yaabahisya aha nju yoonyine ei Maria na Yosefu baabaire baratuuramu n'Omwereere. Baafukama kuramya Yesu, baamuha ebiconco by'obuguzi bwingi by'ezaabu n'emigaju.



19

Ruhanga yaarabura abo Banyabwengye kugaruka owaabo bwesherekye. Heroode ekiniga kikenda kumumaraho, yaasharamu kwita abeereere boona ab'obwojo omuri



Betelehemu.

20



Kwonka Heroode tarabaasize kukwata aha Mwana wa Ruhanga! Yosefu akaraburirwa omu kirooto, yaahunzya Omwana na nyina, baaza Misri.

21

Heroode ku yaafwire, Yosefu yaatwara Maria na Yesu, baaruga Misri,



baatuura omu katauni ka Nazareesi, haihi n'enyanja ya Galilaaya.

22

Okuzaarwa kwa Yesu

Omugane kuruga omu Kigambo kya Ruhanga, Baibuli

gurashangwa omuri

Matayo 1-2, Luka 1-2

"Ebigambo byawe, byashuuruurwa, birareeta omushana." Zaaburi 119:130

Ruhanga aramanya ngu tukozire ebintu bibi, ebi areeta ekibi. Ekibonerezo ky'ekibi n'okufwa.

Ruhanga araturukunda munonga - nikyo yaayohereze Omwana we, Yesu, kufwera aha musharaba nk'ekibonerezo ky'ebibi byaitu. Kwonka Yesu akazooka, yaagaruka omu Iguru! Mbweni hati Ruhanga arabaasa kusaasira ebibi byaitu. Waaba orenda kuruga omu bibi byawe, gambira Ruhanga oti: Ai Ruhanga, ndaikiriza ngu Yesu akanfwera, kandi hati ariho, ahuriire. Ndakushaba ngu oije omu magara gangye, onsaasire ebibi byangye, ngire amagara masya, reero ngume naiwe ebiro byona. Nkwasa mbeho ahabwawe, nk'omwana waawe. Amiina. Yohaana 3:16

Shoma Baibuli kandi ogambe na Ruhanga buri izooba.